

## **I – AKTI OPĆINSKOG VIJEĆA**

Na osnovu člana 37.stav 1. Zakona o lokalnoj samoupravi («Službene novine ZE-DO Kantona», broj 13/98), i člana 55.Statuta općine Zavidovići («Službeni glasnik općine Zavidovići», broj 11/2004-prečišćen tekst), Općinsko vijeće Zavidovići na 4.sjednici održanoj dana 11.02.2005.godine, donijelo je

### **O D L U K U**

#### **o izmjenama i dopunama Odluke o osnivanju, organizaciji i funkcionisanju mjesnih zajednica na području općine Zavidovići**

##### **Član 1.**

U Odluci o osnivanju, organizaciji i funkcionisanju mjesnih zajednica na području općine Zavidovići («Službeni glasnik općine Zavidovići», broj 8/04 - prečišćen tekst), član 2. stav 1. mijenja se i glasi:

«U općini Zavidovići osniva se 21 (dvadesetjedna) mjesna zajednica.»

U članu 2. stav 2. iza rednog broja 20. dodaje se redni broj 21. koji glasi:

«21. Mjesna zajednica Krivaja».

##### **Član 2.**

U članu 12.u stavu 3. Odluke brišu se riječi:

« od ušća potoka Hinjevinu uzvodno do Zvekinog kamena, zatim ide istočno Keserskim stranama i spušta se kod potoka Biotić, zatim ide».

U članu 12. iza stava 5. Odluke dodaje se novi stav 6. koji glasi:

« Prema Mjesnoj zajednici Krivaja granica počinje od ušća potoka Maglajac u rijeku Krivaju i ide uzvodno do mjesta gdje potok presijeca put za Bratanoviće i skreće istočno preko tukova i ispod rudine do Zvekinog kamena i ulazi u potok Hinjevinu, zatim ide istočno Keserskim stranama i spušta se u potok Biotić».

##### **Član 3.**

U članu 21. Odluke brišu se riječi: «Bare, Keseri», a ispred riječi «Krivaja», dodaju se riječi: «dio naseljenog mjesta».

##### **Član 4.**

U članu 22. iza stava 2. Odluke dodaje se novi stav 3. koji glasi:

«Prema Mjesnoj zajednici Krivaja granica ide od rijeke Krivaje putem k.č.95 za žičani most na rijeci, presijeca put k.č.1927 i ide između k.č.89/2, 84/2, 86/2 i 86/3 s jedne strane i k.č. 89/1, 87 i 98/1 s druge strane (između zgrade «Centar» i Mesdžida) i nastavlja pravolinijski do potoka Biotić (s tim što bazen ostaje u Mjesnoj zajednici Krivaja), presijecajući parcele k.č.87, k.č.98/1, k.č.77, k.č.76/1 i k.č.76/2.

Dalje granica nastavlja uzvodno potokom Biotić do mjesta gdje granica od Mjesne zajednice Pašin Konak i Mjesne zajednice Krivaja ulazi u potok Biotić».

- 2 -

**Član 5.**

Iza člana 40.b. Odluke dodaju se novi članovi 40.c. i 40.d. koji glase:

**«Član 40.c.**

Mjesna zajednica Krivaja obuhvata dio naseljenog mjesta Krivaje i sela Bare i Keseri».

**Član 40.d.**

Granice Mjesne zajednice Krivaja prema Mjesnoj zajednici Pašin Konak opisane su u članu 12. stav 6. Odluke, prema Mjesnoj zajednici Krivaja Smailbašići opisane su članu 22. stav 3. Odluke, a prema Mjesnoj zajednici Brezik granicu predstavlja rijeka Krivaja».

**Član 6.**

U članu 41. stav 1. iza rednog broja 18. dodaje se redni broj 19.koji glasi:  
«19. Mjesna zajednica Krivaja – u mjesnom domu».

**Član 7.**

Ova odluka stupa na snagu prvog narednog dana od dana objavljivanja u «Službenom glasniku općine Zavidovići».

OPĆINA ZAVIDOVIĆI  
- OPĆINSKO VIJEĆE -

Broj: 01-02-4246  
Datum: 11.02.2005.godine

(M.P.)

PREDSJEDAVAJUĆI  
OPĆINSKOG VIJEĆA

Avdić Besim, s.r.

## **O b r a z l o ž e n j e**

### **PRAVNI OSNOV**

Pravni osnov za donošenje ove Odluke je sadržan u odredbama člana 37. stav 1. Zakona o lokalnoj samoupravi («Službene novine ZE-DO Kantona», broj 13/98), koji glasi: «Mjesnu zajednicu osniva Općinsko vijeće» i članu 83. stav 1. Statuta Općine Zavidovići («Službeni glasnik općine Zavidovići», broj 3/2002-prečišćen tekst), koji glasi «Mjesnu zajednicu osniva Općinsko vijeće ili građani referendumom».

### **RAZLOZI DONOŠENJA**

Mjesna zajednica Krivaja Smailbašići Podružnice Krivaja, Bare i Keseri su 12.01.2004.godine podnijele zahtjev za izdvajanje Podružnica Krivaja, Bare i Keseri iz Mjesne zajednice Krivaja Samilbašići i formiranje Mjesne zajednice Krivaja.

U zahtjevu se navodi da u okviru Mjesne zajednice Krivaja Samilbašići 4. Podružnice Smailbašići, Šadići, Fazlići i Rijeka, odnosno njihovi predstavnici u Savjetu mjesne zajednice kod donošenja odluka preglasavaju članove iz Podružnica Krivaja, Bare i Keseri, te tako dovode do problema u funkcionisanju Savjeta Mjesne zajednice Krivaja Samilbašići..

Dalje, se u zahtjevu navodi da građani Podružnica Krivaja, Bare i Keseri rješenje ovog problema koji traje duže vrijeme vide u formiranju nove Mjesne zajednice Krivaja.

Općinsko vijeće je, razmatrajući Inicijativu Mjesne zajednice Krivaja Smailbašići Podružnica Bare i Keseri za izdvajanje Podružnica Bare i Keseri iz Mjesne zajednice Krivaja Smailbašići i formiranje Mjesne zajednice Krivaja, donijelo Zaključak broj 01-05-110/04 od 09.03.2004.godine, kojim je prihvaćena Inicijativa Mjesne zajednice Krivaja Samilbašići Podružnica Bare i Keseri za izdvajanje Podružnica Bare i Keseri iz Mjesne zajednice Krivaja Smailbašići i formiranje Mjesne zajednice Krivaja.

Općinsko vijeće je citiranim Zaključkom zadužilo Općinskog načelnika da odredi način pripremanja podataka za izradu Odluke o formiranju Mjesne zajednice Krivaja i da Nacrt Odluke o formiranju Mjesne zajednice Krivaja sa obrazloženjem i pratećom dokumentacijom dostavi Općinskom vijeću na razmatranje i usvajanje.

Općinsko vijeće je Zaključkom broj 01-02-4246/04 od 05.08.2004.godine prihvatilo Nacrt odluke o izmjenama i dopunama Odluke o osnivanju, organizaciji i funkcionisanju mjesnih zajednica na području općine Zavidovići.

Predmetnim Zaključkom je utvrđeno da će se javna rasprava provesti u roku od 45 dana putem sredstava javnog informisanja (Radio i KTV Zavidovići), putem rasprave u političkim strankama i partijama i mjesnim zajednicama.

U toku javne rasprave, koja je trajala od 17.08.2004.godine do 01.10.2004.godine, učestvovala su Mjesna zajednica Pašin Konak, Krivaja Smailbašići, kao i članovi Savjeta Mjesne zajednice, ispred Podružnica Bare i Keseri kako slijedi:

Dana 02.09.2004.godine Mjesna zajednica Pašin Konak je dostavila svoje mišljenje da ne prihvata formiranje mjesnih zajednica «Stipovići « i «Krivaja», bez posebnog obrazloženja predloženog prijedloga.

Dana 27.09.2004.godine Mjesna zajednica Krivaja Smailbašići je dostavila svoje prijedloge i mišljenja povodom predmetnog nacrta uz koje je dostavila izvod iz Zapisnika sa Zbora građana od 21.08.2004.godine, Odluku Zbora građana od 21.08.2004.godine sa

obrazloženjem odluke Zbora građana od 21.08.2004.godine i Peticiju građana MZ Krivaja Smailbašići.

Članom 1. Odluke Zbora građana Mjesne zajednice Krivaja Smailbašići broj 39-9/04 od 21.08.2004.godine utvrđeno je da granica Mjesne zajednice Krivaja Smailbašići prema novoformiranoj Mjesnoj zajednici «Krivaja» ide od ušća potoka «Biotić» u rijeku Krivaju, uzvodno potokom «Biotić» do mjesta gdje nastaje granica prema Mjesnoj zajednici Pašin Konak, dok je članom 2. predmetne Odluke utvrđeno da granice Mjesne zajednice Krivaja Smailbašići prema mjesnim zajednicama Pašin Konak, Vožuća i Brezik ostaju nepromijenjene.

Odlukom je utvrđeno da ista stupa na snagu kada je potvrdi Općinsko vijeće Zavidovići ili građani Mjesne zajednice Krivaja Smailbašići na referendumu.

U obrazloženju Odluke Zbora građana Mjesne zajednice Krivaja Smailbašići je navedeno slijedeće:

- da Zbor ne prihvata Nacrt Odluke o izmjenama i dopunama Odluke o osnivanju, organizaciji i funkcionisanju mjesnih zajednica na području općine Zavidovići usvojen na 59. sjednici Općinskog vijeća Zavidovići 05.08.2004.godine u dijelu koji se odnosi na granice Mjesne zajednice Krivaja Smailbašići,

- da Zbor smatra da je navedenim Nacrtom Odluke oštećena Mjesna zajednica Krivaja Smailbašići, koja je kao sljedbenik nekadašnje mjesne zajednice Svinjašnica oduvijek imala prirodnu granicu prema nekadašnjoj MZ Hajdarovići, koja je išla potokom «Biotić»,

- da je Odlukom o osnivanju, organizaciji i funkcionisanju mjesnih zajednica na području općine Zavidovići («Službeni glasnik općine Zavidovići», broj: 5/99), a ne uvažavajući mišljenje građana iz naselja Fazlići, Šadići, Smailbašići i Rijeka osnovana Mjesna zajednica Krivaja Smailbašići kojoj su uz navedena pridodata naselja Bare i Keseri, a koja su bila u sastavu nekadašnje Mjesne zajednice Hajderovići, čime je napravljena vještačka tvorevina koja nikada nije mogla profunkcionisati,

- Zbor ove mjesne zajednice ne osporava pravo naseljima Bare i Keseri da se odvoje i formiraju mjesnu zajednicu i u istu ponesu sve što su donijeli, ali osporava njihove zahtjeve za pripajanje teritorije koja im nikada nije pripadala i uzurpaciju objekata Mjesne zajednice Krivaja Smailbašići, među kojima je i zgrada nekadašnje željezničke stanice u kojoj je sjedište ove mjesne zajednice.

Dana 28.09.2004.godine dostavljen je odgovor o Nacrtu Odluke o izmjenama i dopunama Odluke o osnivanju, organizaciji i funkcionisanju mjesnih zajednica na području općine Zavidovići od strane članova Savjeta Mjesne zajednice Krivaja Smailbašići Džafić Asima, Momković Saliha, Keserović Jusufa i Huskić Ibrahima, u kojem je navedeno da je Zbor građana Krivaja – Keseri dana 21.08.2004.godine razmatrao predmetni Nacrt i da je donesen jednoglasan zaključak da se prihvata Nacrt Odluke broj 01-02-4246/03 od 05.08.2004.godine kako je opisano u članu 3,5 i 11 Nacrta Odluke bez izmjena i dopuna.

Na sjednici Općinskog vijeća održanoj 05.08.2004.godine u toku javne rasprave povodom predmetnog Nacrta vijećnik Općinskog vijeća Saletović Šemso je dostavio prijedlog razgraničenja Mjesne zajednice Krivaja i Mjesne zajednice Krivaja Smailbašići tako da granica ide od žičanog mosta na rijeci Krivaji u pravcu sjevera presijeca regionalni put Zavidovići – Olovo. Zatim ide između bivše Centrove prodavnice i novosagrađenog mesdžida. Zatim nastavlja granicom parcela Keserović Safeta i Keserović Jusufa i borove šume označene sa k.č. 98 u vlasništvu IP Krivaja. Potom nastavlja granicom k.č. 80 i 77 sa k.č. 98 i spušta se u potok Biotić granicom k.č. 73 i 72, te granicom k.č. 70,74 i 75. Dalje nastavlja potokom Biotić u pravcu sjeveroistoka do granice sa Mjesnom zajednicom Pašin Konak.

Prijedloge granica između Mjesne zajednice Krivaja Smailbašići i novoformirane mjesne zajednice Krivaja od strane Savjeta Mjesne zajednice Krivaja Smailbašići i vijećnika Saletović Šemse nisu prihvaćeni zato što u tom slučaju nova mjesna zajednica Krivaja ne bi obuhvatala jednu zasebnu cjelinu sa svim potrebnim elementima za njeno normalno funkcionisanje (teritorij, stanovništvo, infrastruktura itd.), a što bi bilo suprotno odredbi člana 36. stav 2. Zakona o lokalnoj samoupravi («Službene novine ZE-DO Kantona», broj 13/98), koji glasi:

«Mjesna zajednica se osniva za jedno naseljeno mjesto , više međusobno povezanih manjih naselja ili za dio većeg naselja koje u odnosu na ostale dijelove čini zasebnu razgraničenu cjelinu»

Imajući u vidu gore navedeno, a na osnovu Zakona o lokalnoj samoupravi («Službene novine ZE-DO Kantona), predlažem Općinskom vijeću da usvoji Odluku u predloženom tekstu.

OPĆINSKI NAČELNIK

Izet Bašić, dipl.ing.agr.